

CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DE OURENSE PARA A EXECUCIÓN DA OBRA DE ILUMINACIÓN DA PASARELA PEONIL DE OIRA

En Ourense, a 5 de agosto de 2016.

REUNIDOS

Dunha parte, Ethel M^a Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Jesús Vázquez Abad, na súa condición de alcalde do Concello de Ourense, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal suficiente e necesaria para o outorgamento do presente convenio de colaboración e a tal efecto

EXPOÑEN

Primeiro. No Concello de Ourense, augas abaixo da presa de Velle, atópase a pasarela de Oira. Esta ponte peonil cruza o río Miño e dá continuidade ao paseo peonil existente nas dúas marxes.

Actualmente a dita pasarela non conta con iluminación artificial, o que imposibilita transitar por ela cando non hai luz natural.

Segundo. De acordo co artigo 7.2 do seu Estatuto, á Axencia Galega de Infraestruturas correspóndelle o impulso, promoción e coordinación das estratexias de seguridade viaria coas distintas administracións públicas implicadas na materia.

Terceiro. O Plan de Seguridade Viaria de Galicia 2016-2010 ten como obxectivo estratéxico 2 a consecución de vías de tránsito e mobilidade máis seguras, contemplando entre as súas accións a mellora da seguridade viaria das persoas usuarias vulnerables.

Cuarto. En relación co Plan de Seguridade Viaria 2016-2020, e na liña de potenciar a mobilidade sostible, a Axencia Galega de Infraestruturas está a desenvolver unha estratexia para a execución de sendas seguras, sostibles e integradas.

Esta estratexia céntrase no fomento da mobilidade alternativa a nivel local (desprazamento cotiá e a escala comarcal), ben por tratarse de tramos que comunican núcleos de poboación entre si, ou ben por dar acceso a servizos tales como centros de saúde, farmacias, escolas, zonas deportivas, etc., buscando favorecer unha mobilidade urbana e interurbana máis sustentable.

É este o caso da pasarela de Oira, que permite o acceso peonil ao complexo deportivo municipal de Oira, e á propia praia fluvial de Oira. Trátase, por tanto, dunha mobilidade sustentable acorde co obxectivo de fomentar o uso de medios de transporte alternativos ao vehículo privado, e de mellora da seguridade viaria ao diminuír a intensidade de tráfico nas estradas.

Quinto. O 14.09.2015 a Consellería de Cultura, Educación e Ordenación Universitaria, a Axencia Galega de Infraestruturas e o Concello de Ourense asinaron un protocolo de colaboración para a posta en valor da Ponte Vella de Ourense. As primeiras obras realizadas ao abeiro deste protocolo centráronse na reparación da calzada e a renovación da iluminación, xa que a existente quedou obsoleta e mingua o valor estético do monumento.

Sexto. Así mesmo, o 17.12.2015 a Axencia Galega de Infraestruturas e o Concello de Ourense asinaron un convenio de colaboración para a reparación da Ponte do Milenio e a formalización da súa entrega ao concello. Dentro destas obras, que veñen de comezar, repararase o sistema de iluminación, arranxando e repoñendo todas aquelas luminarias deficientes e farase unha revisión completa do sistema eléctrico.

Sétimo. O Concello de Ourense está interesado en dotar de iluminación á pasarela de Oira, mediante a instalación de proxectores led ao longo da pasarela, de xeito que permitan manter os niveis esixidos de iluminación e, ao mesmo tempo, acentuar o seu percorrido curvo e os seus tirantes de aceiro. A iluminación do acceso á pasarela realizárase mediante balizas de aceiro cuxo deseño permite a súa mimetización no entorno.

Oitavo. Coa iluminación da pasarela peonil de Oira acadarase unha mellora da seguridade peonil, dándolle funcionalidade a aquela, e completaranse as actuacións no entramado de pontes e pasarelas da cidade de Ourense, contribuíndo deste xeito á posta en valor da riqueza da contorna.

Noveno. Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Ourense para a execución da obra de iluminación da pasarela peonil de Oira.

O orzamento de execución destas actuacións estímase en **CINCuenta E NOVE MIL NOVECENTOS QUINCE EUROS CON VINTE E DOUS CÉNTIMOS DE EURO** (59.915,22 €), IVE incluído. Este importe inclúe a instalación de 75 proxectores led ao longo da pasarela peonil e 16 balizas de aceiro no acceso á pasarela.

SEGUNDA. COMPROMISOS DO CONCELLO

O Concello de Ourense obrígase a asumir a titularidade das instalacións executadas pola Axencia e polo tanto a explotación, o mantemento e a conservación do alumeado da pasarela, asinándose a correspondente acta de entrega.

Así mesmo o concello autoriza coa sinatura do presente convenio a execución das obras nos terreos e infraestruturas necesarias para a execución das obras, libre de todo gravame.

TERCEIRA. COMPROMISOS DA AXENCIA GALEGA DE INFRAESTRUTURAS

A Xunta de Galicia, a través da Axencia Galega de Infraestruturas, asume os seguintes compromisos:

1 Realizar a instalación e posta a punto do alumado público da pasarela peonil de Oira, destinando para este fin ata un máximo de **CINCuenta E NOVE MIL NOVECENtos QUINCE EUROS CON VINTE E DOUS CÉNTIMOS DE EURO** (59.915,22 €), IVE incluído, con cargo á aplicación orzamentaria 2016.08. A1.512B. 600.1, código de proxecto 1994-06057.

2.- Unha vez rematadas as obras a Axencia poñerá en coñecemento da entidade local, mediante unha comunicación formal, asinándose por parte do director da Axencia Galega de Infraestruturas un acta de entrega das obras executadas. Esta data de comunicación é a que determina o nacemento da obriga asumida polo concello na cláusula segunda.

CUARTA. COMISIÓN DE SEGUIMIENTO

Constituirase unha comisión de seguimento formada por un representante da Axencia Galega de Infraestruturas e un representante do Concello de Ourense. As súas funcións entre outras serán as seguintes:

- Impulsar e avaliar o cumprimento do presente convenio naqueles aspectos técnicos obxecto deste, proponendo as actuacións que se consideren precisas.
- Proponer a interpretación, en caso de dúbida, do contido do presente convenio.

- Propoñer ás partes a resolución das posibles controversias que puideran xurdir na aplicación do convenio.

Esta comisión reunirase as veces que se estimen oportunas para o cumprimento do presente convenio. En todo caso a solución das incidencias estará condicionada polas limitacións orzamentarias indicadas na cláusula primeira.

QUINTA. NATUREZA DO CONVENIO

Este convenio ten natureza administrativa e será de aplicación o Decreto 246/92, do 30 de xullo, polo que se regulan as condicións de execución das obras públicas en réxime de cooperación coas corporacións locais e outros entes de dereito público, rexendo na súa interpretación e desenvolvemento o ordenamento xurídico administrativo, con expresa submisión das partes á xurisdición contencioso- administrativa.

O desenvolvemento dos compromisos, obrigas e demais actuacións contidas no presente convenio rexeranse polo establecido nas súas cláusulas.

SEXTA. MODIFICACIÓNS DO CONVENIO

As modificacións formalizaranse mediante *addenda* cos mesmos requisitos e condicións para a aprobación do Convenio, agás aquelas modificacións de carácter técnico aprobadas polo órgano de contratación, de acordo coa normativa de contratos administrativos, que non impliquen a superación do importe máximo reflectido na cláusula primeira do convenio.

SÉTIMA. RESOLUCIÓN

1.- As dúbidas que se presenten na súa interpretación, caso de discrepancias serán resoltas, visto o informe da Comisión de Seguimento, polo presidente da Axencia Galega de Infraestruturas, poñendo así fin á vía administrativa.

2.- Serán causas de extinción deste convenio:

- O non cumprimento do seu obxecto.
- A inviabilidade da realización das actuacións descritas neste convenio, por causas non imputables ás partes.
- O incumprimento de carácter total ou parcial de calquera das cláusulas do presente convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
- Denuncia por causas de interese público, a instancia de calquera das partes.

Cada unha das situacións descritas por si soa é causa suficiente de rescisión do convenio.

3.- A Axencia Galega de Infraestruturas limitará en todo caso a súa achega económica ao pactado no presente convenio.

OITAVA. PUBLICIDADE

A sinatura do convenio leva implícito o consentimento expreso de todas as partes para a publicación dos datos e especificacións contidas no mesmo, de conformidade co establecido no artigo 15 da Lei 1/2016, do 18 de xaneiro, de transparencia e bo goberno.

NOVENA. VIXENCIA DO CONVENIO

Este convenio terá efecto a partir da data da súa sinatura e estenderase ata o 31 de decembro de 2016.

O presente convenio obriga ao cumprimento do expresamente pactado someténdose todas as partes ao acordado en todas as estipulacións.

Así o outorgan no lugar e data do encabezamento, subscribindo o presente convenio por triplicado exemplar.

A presidenta da Axencia Galega de
Infraestruturas

O alcalde do Concello de Ourense

Ethel M^a Vázquez Mourelle

Jesús Vázquez Abad